

44

**Қора металл парчалари ва чиқиндиларини  
етказиб бериш бўйича**

**ШАРТНОМА № 3409 / 055**

Бекобод ш.

« 21 » Июль 20 22 йил

Бир томондан “Ўзметкомбинат” АЖ номидан, кейинги ўринларда “Тайёрловчи” деб номланувчи, 2021 йил 22 декабрдаги 01-1/2827 - сонли Ишончнома асосида фаолият олиб борувчи бошқарув раисининг 1-ўринбосари – ижрочи директор Ахмедов Д.Т. шахсида ва иккинчи томондан Шарифжон Шайх, кейинги ўринларда “Парчаларни топширувчи” деб номланувчи, Устаева асосан фаолият олиб борувчи Ўбидин Х.Н., биргаликда – “Томонлар”, алоҳида эса – “Томон” деб номланувчи, қора металл парчалари ва чиқиндиларини (матн давомида – Металл парчалари) етказиб бериш бўйича мазкур шартномани (матн давомида - Шартнома) туздилар.

**1. АТАМАЛАР ВА ТУШУНЧАЛАР**

Мазкур шартномада келтирилган атамалар, агар контекст бошқача талаб қилмаса қуйидаги мазмунга эга ва унинг ажралмас қисми ҳисобланади.

**“Иккиламчикораметалл” филиали** (матн давомида – ИКМ) – Тайёрловчининг Металл парчаларини қабул қилиш учун масъул бўлган таркибий бўлинмаси.

**Металл парчалари** — қора металл парчалари (иккиламчи), чиқиндилари, таркибида қора металл ва уларнинг қотишмалари мавжуд бўлган яроқсиз ҳолга келган ёки ўз истеъмол хусусиятларини йўқотган маҳсулотлар, товарлар, қора металл ва уларнинг қотишмаларидан маҳсулот ишлаб чиқаришда ҳосил бўлган чиқиндилар, шунингдек, кўрсатилган маҳсулотларни ишлаб чиқариш жараёнида юзага келган тўғрилаб бўлмас яроқсиз маҳсулот.

**Металл парчалари ифлосланиши** — эритиладиган металлнинг сифатига салбий таъсир қилувчи ва навбатдаги қайта ишловга яроқсиз, қуйиб бўлган, кислота билан едирилган, занг қопламаси кўринишидаги ифлосланган жисмлар ҳамда қоришмалар.

**Зарарсиз қоришма** — эритиладиган металлнинг сифатига салбий таъсир кўрсатмайдиган қоришмалар. Зарарсиз қоришмаларга намгарчилик, тахта, тупроқ, мато, кум ва бошқа шунга ўхшаш қоришмалар ҳисобланади.

**Парчаларни топширувчилар** — Тайёрловчига Металл парчаларини топшираётган давлат ва хўжалик бошқаруви органлари, маҳаллий ижро этувчи ҳокимият органлари, ташкилий-ҳуқуқий шаклидан қатъи назар юридик шахслар.

**2. ШАРТНОМА ПРЕДМЕТИ**

2.1. Мазкур Шартнома, Ўзбекистон Республикаси Вазирлар Маҳкамасининг 2018 йил 6 июндаги “Рангли ва қора металл парчалари, чиқиндилари билан ишлаш тартибини такомиллаштириш чора-тадбирлари





тўғрисида”ги 425-сонли Қарорига мувофиқ, Тайёрловчи ҳамда Парчаларни топширувчи ўртасида Металл парчаларини етказиб бериш масаласига доир муносабатларни тартибга солади.

2.2. Парчаларни топширувчи Металл парчаларини Тайёрловчининг омборига \_\_\_\_\_ филиалининг участка ва цехларига етказиб бериш мажбуриятини, Тайёрловчи эса ушбу Шартнома шартларига мувофиқ қабул қилиш ва тўлаб бериш мажбуриятини олади.

### 3. ТОМОНЛАРНИНГ ҲУҚУҚ ВА МАЖБУРИЯТЛАРИ

#### 3.1. Парчаларни топширувчининг ҳуқуқлари:

3.1.1. Парчаларни топширувчи ушбу Шартнома шартларига мувофиқ етказиб берган Металл парчалари ҳажми учун ўз вақтида ҳисоб-китобни амалга оширилишини талаб қилиш ҳуқуқига эга.

#### 3.2. Тайёрловчининг ҳуқуқлари:

3.2.1. Тайёрловчи вужудга келган бозор конъюктурасини инобатга олган ҳолда, Парчаларни топширувчи томонидан етказиб бериладиган Металл парчаларига бир томонлама нарх белгилаш ҳуқуқига эга.

3.2.2. Етказиб берилган Металл парчаларининг ифлосланиш даражаси рухсат этилган меъёрдан ошиб кетган тақдирда Парчаларни топширувчига нисбатан жарима белгилаш ва қўллаш ҳуқуқига эга.

3.2.3. Мунтазам асосда Металл парчалари ҳосил бўладиган Парчаларни топширувчига бепул асосда, Металл парчаларини йиғиш ва Тайёрловчига етказиб бергунга қадар сақлаш учун контейнерлар, урналар, кутилар ва бошқа воситаларни вақтинча фойдаланишга бериш.

#### 3.3. Парчаларни топширувчининг мажбуриятлари:

3.3.1. Парчаларни топширувчи 2022 йил давомида, ГОСТ 2787-2019 давлат стандартига мувофиқ ёнғин ва портлашдан хавфсиз бўлган, кимёвий ва радиоактив материаллардан зарарсизлантирилган, ПА-25, ПА-26, ПА-27, ПА-28, ПА-29 ва ПА-30 турдаги Металл парчаларидан ташқари, умумий миқдори 100 тонна, ҳар ойда \_\_\_\_\_ тоннадан топширишга мажбур. Металл парчаларининг 1 (бир) тоннаси учун Тайёрловчи томонидан ўрнатилган нархи 1 740 000 (бир миллион етти юз қирқ минг) сўмни ҚҚСсиз, 2 001 000 (икки миллион бир минг) сўмни ҚҚС билан ташкил қилади.

3.3.2. Тайёрловчига ташиш, қайта ишлаш ва эритиб қуйиш учун хавфсиз ҳолатда бўлган Металл парчаларини етказиб бериш.

#### 3.4. Тайёрловчининг мажбуриятлари:

3.4.1. Тайёрловчи мазкур Шартнома шартларига мувофиқ, Парчаларни топширувчи томонидан етказиб берилган Металл парчаларини қабул қилиш ва етказиб берилган Металл парчалари учун ўз вақтида тўловни амалга ошириш мажбур.



#### 4. ЕТКАЗИБ БЕРИШ ВА ҚАБУЛ ҚИЛИШ ТАРТИБИ

4.1. Етказиб бериладиган Металл парчалари (ПА-25, ПА-26, ПА-27, ПА-28, ПА-29 ва ПА-30 турларидан ташқари) ГОСТ 2787-2019 талаблариги мос бўлиши лозим.

4.2. Металл парчалари етказиб бериш жараёнида Тайёрловчининг қабул қилиш пунктига қадар бўлган транспорт харажатлари тўлалигича Парчаларни топширувчи томонидан тўланади.

4.3. Етказиб бериладиган Металл парчалари, топшириш жойида миқдори ва сифати бўйича Тайёрловчининг темир йўл ва автомобиль тарозиларида қабул қилинади ва натижаси Тайёрловчи томонидан тасдиқланган қабул қилиш-топшириш далолатномаси расмийлаштирилади. Металл парчаларини қабул қилиш-топшириш далолатномаси уч нусхада тузилади, уларнинг иккитаси Тайёрловчида қолади, учинчиси нусхаси Парчаларни топширувчига берилади.

4.4. Қабул қилиш – топшириш далолатномаси, ҳисоб-китобни амалга ошириш учун асос бўлади.

4.5. Металл парчаларининг миқдори (вазни) ва тавсифи қабул қилиш-топшириш далолатномасида қайд қилинади. Металл парчаларининг таркиби, ўлчамлари, оғирлиги, зичлиги, ифлосланишини ГОСТ 2787-2019 давлат стандартининг 7.3.2 бандига мувофиқ транспорт воситасидан юкни тушириш жараёнида визуал тарзда Тайёрловчи томонидан баҳоланади.

Топшириладиган Металл парчаларини қабул қилиш, ҳар бир туркум бўйича брутто оғирлиги ва транспорт воситаси, идиши ва ифлосланганлиги ўртасидаги фарқ сифатида аниқланадиган нетто оғирлиги бўйича амалга оширилади.

4.6. Парчаларни топширувчи томонидан, ёнгин ва портлашдан хавфли бўлган, кимёвий зарарланган, радиоактив Металл парчаларини етказиб бериш таъқиқланад ва шундай ҳолатлар аниқланган тақдирда, зудлик билан етказиш ҳажмларидан ажратиб олиниб амалдаги қонунчиликда белгиланган тартибда йўқ қилинади.

4.7. Таркибида темир миқдори кам бўлган (ПА-25, ПА-26, ПА-27А, ПА-28, ПА-29 ва ПА-30 турдаги) Металл парчалари етказиб берилганда ушбу турдаги Металл парчалари вазни умумий топширилган вазндан чегириб ташланади. Умумий топширилган вазндан чегириб ташланган Металл парчалари Тайёрловчига бегараз ўтказиб берилади.

Металл парчаларини турлари бўйича қабул қилишда баҳсли вазият юзага келганда, Металл парчалари Парчаларни топширувчи вакили иштирокидаги комиссия томонидан қабул қилинади.

4.8. Ўзбекистон Республикасининг амалдаги қонунчилигига мувофиқ Парчаларни топширувчи томонидан Металл парчаларини Тайёрловчи (“Ўзметкомбинат” АЖ ва унинг таркибий бўлинмаси – “ИКМ” филиаллари)дан бошқа истеъмолчиларга топшириши таъқиқланади.



## 5. ҲИСОБ-КИТОБ ҚИЛИШ ТАРТИБИ

5.1. Қабул қилинган Металл парчалари учун тўлов қабул қилиш – топшириш далолатномасига асосан, бозор конъюктураси ҳисобидан шаклланиб, Парчаларни топширувчи томонидан Металл парчалари топширилган вақтда амалда бўлган нархлар бўйича, Тайёрловчи томонидан пул маблағлари орқали амалга оширилади. Металл парчалари учун тўлов, қабул қилиш-топшириш далолатномаси расмийлаштирилган вақтдан 90 кун давомида амалга оширилади.

5.2. Парчаларни топширувчи Тайёрловчига давлат солиқ идорасидан кўшимча қиймат солиғи тўловчиси эканлигини тасдиқловчи маълумотномани тақдим қилади.

5.3. Парчаларни топширувчига Тайёрловчи томонидан Металл парчалари учун тасдиқланган нархлар тақдим этилади.

## 6. ТОМОНЛАРНИНГ ЖАВОБГАРЛИГИ

6.1. Томонлар, мазкур Шартномага мувофиқ ўз зиммасига олинган мажбуриятларни бажаришга қафолат беради.

6.2. Парчаларни топширувчи Металл парчаларини келиб чиқишига тўлиқ жавобгардир.

6.3. Парчаларни топширувчи, Металл парчаларини етказиб бериш муддатини кечиктирган тақдирда, Тайёрловчига кечиктирилган ҳар бир кун учун мажбуриятнинг бажарилмаган қисмини 0,5 фоизи миқдорида пеня тўлайди, бироқ пенянинг умумий суммаси етказиб берилмаган Металл парчалари қийматининг 50 фоизидан ошиб кетмаслиги лозим.

6.4. Тайёрловчи етказиб берилган Металл парчалари учун тўловни ўз вақтида амалга оширмаган тақдирда, Парчаларни топширувчига кечиктирилган ҳар бир кун учун кечиктирилган тўлов қисмининг 0,1 фоизи миқдорида пеня тўлайди, бироқ пенянинг умумий миқдори кечиктирилган тўлов суммасининг 50 фоизидан ошиб кетмаслиги лозим.

6.5. Парчаларни топширувчи томонидан ифлосланиш даражаси юқори бўлган Металл парчалари етказиб берилганда, Тайёрловчи Парчаларни топширувчига нисбатан қуйидаги жарима турларини қўллайди:

6.5.1. Топширилган Металл парчаларининг ифлосланиш даражаси умумий топширилган Металл парчалари ҳажмидан 10-20 фризгача ташкил этган тақдирда, топширилган Металл парчалари қийматининг 40 фоизи миқдорида жарима ундирилади;

6.5.2. Топширилган Металл парчаларининг ифлосланиш даражаси умумий топширилган Металл парчалари ҳажмидан 21-30 фоизгача ташкил этган тақдирда, топширилган Металл парчалари қийматининг 60 фоизи миқдорида жарима ундирилади;

6.5.3. Топширилган Металл парчаларининг ифлосланиш даражаси умумий топширилган Металл парчалари ҳажмидан 31-40 фоизгача ташкил этган тақдирда, топширилган Металл парчалари қийматининг 80 фоизи миқдорида жарима ундирилади;



6.5.4. Топширилган Металл парчаларининг ифлосланиш даражаси 41 фоиз ва ундан юқори кўрсаткични ташкил этган тақдирда, Тайёрловчи топширилган Металл парчалари хақини тўлаб бермаслик ҳуқуқига эга.

6.6. Мазкур Шартномада назарда тутилмаган ҳолатлар бўйича, Томонлар Ўзбекистон Республикаси Фуқаролик Кодекси, “Хўжалик юритувчи субъектларнинг шартномавий ҳуқуқий базаси” тўғрисидаги Қонуни ва амалдаги бошқа қонун ҳужжатларини қўллаш ҳуқуқига эга.

## 7. ШАРТНОМАНИ БЕКОР ҚИЛИШ ШАРТЛАРИ

7.1. Мазкур Шартнома Томонларнинг келишуви билан бекор қилиниши мумкин.

7.2. Мазкур Шартнома, қуйидаги ҳолатларда Тайёрловчи томонидан бир томонлама бекор қилиниши мумкин:

7.2.1. Парчаларни топширувчи томонидан Металл парчаларини учинчи шахсларга топшириш ҳолати ёки шахсий металл қуйиш цехида фойдаланилганда, бу ҳолатда Шартнома шартлари ва Ўзбекистон Республикаси қонунчилигини бузганлиги учун Парчаларни топширувчига тўланадиган пул миқдори ушлаб қолинади;

7.2.2. Ёнғин ва портлаш хавфи мавжуд бўлган, кимёвий, радиоактив, зарарланган Металл парчалари, шунингдек таркибида темир миқдори кам бўлган ПА-25, ПА-26, ПА-27, ПА-28, ПА-29 ва ПА-30 турдаги Металл парчалари етказиб берилганда;

7.2.3. Ифлосланиш даражаси 10 фоиз ва ундан юқори бўлган Металл парчаларини бир неча марта етказиб берилганда.

## 8. БОШҚА ШАРТЛАР

8.1. Шартномага киритилган ўзгартириш ва қўшимчалар, ёзма равишда тузилган ва Томонларнинг ваколатли шахслари томонидан имзоланган тақдирдагина ҳақиқий деб ҳисобланади.

8.2. Енгиб бўлмас кучлар таъсири оқибатида мазкур Шартнома шартларини қисман ёки тўлиқ бажаришни имконияти бўлмаган ҳолатлар юзага келган тақдирда, Томонлар жавобгарликдан озод қилинади (форс-мажор).

8.3. Мазкур шартнома “Томонлар”га бир нусхадан, икки нусхада тузилган бўлиб, иккала нусхаси ҳам бир хил юридик кучга эга.

8.4. Мазкур Шартномани тузиш Томонларнинг ёки улардан бирининг факсимил имзоси қўйилган jpeg ёки pdf форматдаги скан нусхасини юбориш орқали амалга оширилиши мумкин. Шу тарзда имзоланган ва юборилган ҳужжатлар Томонларнинг ўз қўллари билан имзолаган Шартноманинг асл нусхаларига тенг деб тан олинади.

8.5. Мазкур Шартнома ижроси доирасида томонлар ўртасида низо вужудга келган тақдирда, низоли масала Томонлар томонидан музокара йўли билан ҳал қилинади. Низо юзасидан музокара йўли билан келишувга эришилмаган тақдирда, Бекобод туманлараро иқтисодий суди томонидан ҳал қилинади.



8.6. Томонларнинг юридик манзили ёки тўлов реквизитлари ўзгарган тақдирда, уларнинг ҳар бири 3 (уч) календарь иш кунида бир-бирини ёзма равишда хабардор қилишлари шарт.

8.7. Мазкур Шартнома Томонлар имзолаган кундан кучга кириши ва 2022 йил 31 декабрга қадар амал қилади, ўзаро ҳисоб-китоби эса – Томонларнинг мажбуриятларни тўлиқ бажарилгунига қадар.

**9. ТОМОНЛАРНИНГ РЕКВИЗИТЛАРИ ВА ИМЗОСИ:**

**ТАЙЁРЛОВЧИ**

**ПАРЧАЛАРНИ  
ТОПШИРУВЧИ**

**Юридик манзили:** 110502,  
Ўзбекистон Республикаси, Тошкент  
вилояти,  
Бекобод шаҳри, Сирдарё кўчаси 1-уй  
**СТИР:** 200 460 222, **ОКПО:** 00186200  
**Банк реквизитлари:**  
АТИБ “Ипотека банк” Бекобод шаҳар  
филиали, **МФО:** 00489  
х/р 20210 00080 04681 83001

<b>АО "ШАРГУНКУМИР"</b>	
г. Шаргуно, ул. А. Иброимова 50, Сариясийский район, Сурхондарь-иниёия область	
P/c: 2021 0000 0003 1104 5001	
C/c: 2320 2000 3003 1104 5001	
Спец. маълумоти: 2282 6000 5003 1104 5001	
в УзПСБ г. Шаргуно филиали	
МФО: 00354, х/р 20210 00080 0494 307, ОКОНА: 11312	
Тел: 37648174, 543	



Д.Т.Ахмедов








## KELISHUV VARAG'I

Ushbu "21" yanvar 2022 yilda "Sharg'unko'mi" AJ va  
 "Ўзметкомбикат" АЖ

so'mlik

Қора металл парралари ва шқиндиарини  
етказиб берили haqidagi  
 "21" yanvar №3709/25 sonli shartnomani imzolashga kelishildi.

Lavozimi	F.I.O	Imzo	Izoh
Bosh direktorning iqtisod va moliya bo'yicha o'rinbosari	Shoymatov J.Y.		
Prognozlashtirish tahlil va iqtisod bo'limi boshlig'i	Abdiyev S.X.		
Bosh mexanik	Tursunov R.X.		
Bosh energetik	Pardayev I.U.		
Ichki va tashqi xaridlar bo'limi boshlig'i	Odinayer S.F.		Асос. ағдара етказиб берилди шартномага тўради.
Huquqshunos	Qurbonov N.R.	